

*Мохначевская Мария Петровна – Марта- Мария  
Библиотекарь күнүнэн*

Оҕо, кыра сылдьаммын  
Библиотека ааннарын  
Аһан киирэ турарым,  
Умсугуйан ааҕарым.

Кэпсээн кэрэ эйгэтигэр  
Киирэн баран тахсыбаппын,  
Кинигэлэр истэригэр  
Киинэ курдук сылдьарым.

Библиотека сөрүүн саала  
Кистэлэнгнээх курдуга,  
Билии төрдүн үрдүк аала  
Улуу чуумпу турара.

Остуоруйа кэриэтэ  
Ылынарым сүрэхпэр.  
Оргууй үөһэ тыынарым,  
Оттомурар буоларым.

Библиотека аанньала  
Сүбэлиирэ ааҕарга,  
Бэйэм сааспар аналлаах  
Кинигэни таларга.

Бүгүн күнгэ үөрэ – көтө  
Билии бэрдин бэлэхтиир,  
Библиотека үлэһитэ  
Бэлиэ күнүн бэлиэтиир.

### ***Библиотекарь күнүгэр***

Биһиги бүгүн күн билэбит  
Бэрт элбэх кинигэ мустубут,  
Быылларын элбэхтик тэбээбит,  
Биэрэстиир уһунун уурсубут,

Билиигэ күннэтэ тириэрдэр,  
Бииблийэ диэн тылтан төрүттээх  
Бэйэтин үлэтигэр бэриниилээх,  
Библиотекарь үлэтэ чиэстэнэр.

Бүтүн күн өндөйөн турбакка,  
Бүрүүкүүр чуумпуга куустаран,  
Бүүс – бүттүүн үлэҕэ умсаран,  
Барыаҕа олоҕун, ылларан.

Барытын сааһылаан, хомуйан  
Бэлиэтин, бэчээтин бэрийэр.  
Бэлэмниир ааҕааччы иннигэр  
Бу бүгүн үлэтин саҕалаан.

Билиибит бу үрдүк аалыгар,  
Билиэхпит сөрүүннүүр саалыгар  
Билиини тарҕатар аанһалбыт  
Бэлэхтиир сүрэҕин сылааһын...